



საბანკო მომსახურების შესახებ ხელშეკრულების დანართი N10 – Tskapp

აპლიკაცია

1. წინამდებარე დანართის მიზნებისთვის გამოყენებული ტერმინები:
2. **სამსახურებრივი ბარათი** - ბანკის სხვა არა ფიზიკური პირი კლიენტის ანგარიშთან დაკავშირებული პლასტიკური ბარათის ციფრული ანალოგი, რომელიც ამავე კლიენტის დავალების საფუძველზე დამზადებულია კლიენტის სახელზე; **Tskapp აპლიკაციაში ბარათის ან/და სამსახურებრივი ბარათის** დამატების საფუძველზე, კლიენტს საშუალება აქვს განახორციელოს შემდეგი სახის ოპერაციები:
 - 2.1. თანხის გადახდა (კოს-ტერმინალის მეშვეობით, საქონლის ან/და მომსახურების საფასურის უნაღდო ანგარიშსწორების წესით გადახდა, ასევე ქ. თბილისის მუნიციპალური ტრანსპორტით (მეტრო; M3 კატეგორიის ავტობუსი, საბაგირო გზა) და ქ. ბათუმის მუნიციპალური ტრანსპორტით (ავტობუსით) მგზავრობის საფასურის გადახდა).
 - 2.2. **Tskapp აპლიკაციაში** განუსაზღვრელი რაოდენობის ბარათების ან/და სამსახურებრივი ბარათის დამატება. ამასთან, კლიენტს საშუალება აქვს გადახდისას აირჩიოს მისთვის სასურველი ბარათი, რომელითაც სურს გადახდა.
 - 2.3. **სამსახურებრივ ბარათთან** დაკავშირებულ ანგარიშზე ან/და ანგარიშზე არსებული ნაშთის შემოწმება.
 - 2.4. **Tskapp აპლიკაციის** მეშვეობით შესრულებული გადახდების შესახებ ამონაწერის ნახვა.
3. **Tskapp აპლიკაციის** გამოყენება შეუძლიათ იმ კლიენტებს, რომლებიც ფლობენ:
 - 3.1. ანდროიდის ოპერაციულ სისტემაზე (4.4. ან უფრო ახალი ვერსია) მომუშავე სმარტფონს, Near-Field Communication (NFC) მხარდაჭერით.
 - 3.2. ბანკის დისტანციური არხის მომხმარებლის სახელს და პაროლს.
- 3.3. ბანკის მინიმუმ ერთ აქტიურ VISA ან MASTERCARD საერთაშორისო საბარათე სქემაში ჩართულ ბარათს (გარდა Visa Electron და Ciruss Maestro ბარათებისა) ან სამსახურებრივ ბარათს..
4. **Tskapp აპლიკაციის** ჩამოტვირთვა და განახლება შესაძლებელია განხორციელდეს Google Play Store-დან.
5. **Tskapp აპლიკაციის** გასააქტიურებლად საჭიროა:
 - 5.1. კლიენტი დაეთანხმოს **Tskapp აპლიკაციით** სარგებლობის წესებსა და პირობებს.
 - 5.2. კლიენტმა შეიყვანოს **მომხმარებლის სახელი** და **პაროლი**, რომელსაც იგი იყენებს ბანკის დისტანციური არხებით სარგებლობის დროს. თუ კლიენტს არ აქვს შესაბამისი სახელი და პაროლი უნდა მოხდეს მისი აქტივაცია ბანკში.
 - 5.3. კლიენტმა მოწყობილობას, რომელშიც ჩამოტვირთულია/ტვირთავს **Tskapp აპლიკაციას** ბანკის მიერ განსაზღვრული წესის შესაბამისად უნდა მიანიჭოს სანდო მოწყობილობის სტატუსი, მიუხედავად იმისა, ბანკის სხვა საბანკო პროდუქტის/პროდუქტების გამოყენების მიზნებისთვის აღნიშნული მოწყობილობისთვის აქვს თუ არა კლიენტს მინიჭებული სანდო მოწყობილობის სტატუსი. ამასთან, იმ შემთხვევაში თუ მოწყობილობას, რომელშიც ჩამოტვირთულია/ტვირთავს **Tskapp აპლიკაციას** უკვე მინიჭებული აქვს სანდო მოწყობილობის სტატუსი ბანკის სხვა საბანკო პროდუქტის/პროდუქტების გამოყენების მიზნებისთვის და კლიენტი სხვა საბანკო პროდუქტის/პროდუქტების გამოყენების მიზნებისთვის მოწყობილობას გაუუქმებს სანდო მოწყობილობის სტატუსს, **Tskapp აპლიკაციით** სარგებლობის მიზნებისათვის აღნიშნულ მოწყობილობას, რომელშიც ჩამოტვირთულია **Tskapp აპლიკაცია** კვლავაც დარჩება სანდო მოწყობილობის სტატუსი, იმ დრომდე სანამ უშუალოდ არ მოხდება კლიენტის მიერ **Tskapp აპლიკაციის** მიზნებისათვის ასეთი სტატუსი გაუქმება.



- 5.4. კლიენტმა დაადასტუროს **Tskapp** აპლიკაციის აქტივაცია SMS-ით ან **დიჯიტალური** მიღებული ერთჯერადი კოდით.
- 5.5. კლიენტმა აკრიფოს მის მფლობელობაში არსებულ მოწყობილობაზე დაყენებული პასკოდი/პასვორდი, რომელსაც გამოიყენებს **Tskapp** აპლიკაციაში შესასვლელად ან/და აირჩიოს **Tskapp** აპლიკაციის თითის ანაბეჭდით ან სახის ამომცნობით ჩართვის ფუნქცია (მობილურ მოწყობილობაში ასეთი ფუნქციის არსებობის შემთხვევაში).
- 5.6. კლიენტმა აირჩოს ძირითადი **ბარათი**, რომლის საშუალებითაც შეასრულებს გადახდას.
6. **Tskapp** აპლიკაციით გადახდის **ოპერაციის** შესასრულებლად საჭიროა მისი ჩართვა/**Tskapp** აპლიკაციაში შესვლა, რომლისთვისაც გამოიყენება **კლიენტის** მიერ წინამდებარე **დანართის 5.5 პუნქტის** პირობების შესაბამისად **Tskapp** აპლიკაციაზე წვდომის გააქტიურებისთვის დადგენილი მონაცემები. ამასთან **Tskapp** აპლიკაციის ჩართვის შემდგომ, **კლიენტის** მიერ **Tskapp** აპლიკაციის მეშვეობით განხორციელებული ყოველი გადახდა წარმოებს წინამდებარე **დანართის 5.5 პუნქტის** შესაბამისად დადგენილი მონაცემების გამოყენებით.
7. **Tskapp** აპლიკაციის გააქტიურებიდან 24 (ოცდაოთხი) საათის განმავლობაში შესაძლებელია მხოლოდ 100 (ასი) ლარის (ან მისი ექვივალენტი უცხოურ ვალუტაში) ოდენობის **ოპერაცი(ებ)ის** შესრულება.
8. **Tskapp** აპლიკაციით შესრულებულ გადახდის **ოპერაციებზე** ვრცელდება **საბანკო მომსახურების შესახებ ხელშეკრულების დანართი N5 - ბარათის** პირობები, ხოლო **სამსახურებრივი ბარათის** შემთხვევაში შესაბამისი **სამსახურებრივი ბარათის** პირობები, რომელიც განთავსებულია **ბანკის** ვებ-გვერდზე: www.bankofgeorgia.ge. ამასთან, **ბანკი** უფლებამოსილია **Tskapp** აპლიკაციით გადახდისთვის ცალმხრივად დააწესოს **ბარათის/სამსახურებრივი ბარათის** პირობებისგან განსხვავებული პირობები.
9. თუ სმარტფონი, რომელშიც ჩატვირთულია **Tskapp** აპლიკაცია მოპარული ან დაკარგულია ან/და **კლიენტს** ეჭვი აქვს, რომ ვიღაცამ იცის წინამდებარე **დანართი 5.5 პუნქტის** შესაბამისად განსაზღვრული **Tskapp** აპლიკაციის წვდომის მონაცემები, **კლიენტი** ვალდებულია დაუყოვნებლივ დაუკავშირდეს **ბანკს** ან გამოცხადდეს **ბანკში** პირადად, რის შემდეგაც, **კლიენტის** განცხადების შესაბამისად, **ბანკი** უზრუნველყოფს **Tskapp** აპლიკაციის ან/და **Tskapp** აპლიკაციაში დამატებული **ბარათის** დაბლოკვას. ამასთან:
 - 9.1. ყოველგვარი ეჭვის გამოსარიცხად **Tskapp** აპლიკაციაში დამატებული **ბარათის/სამსახურებრივი ბარათის** დაბლოკვა და განბლოკვა განხორციელდება **საბანკო მომსახურების შესახებ ხელშეკრულების დანართი N5 - ბარათის** პირობების შესაბამისად;
 - 9.2. თუ **კლიენტს** სურს **Tskapp** აპლიკაციის განბლოკვა, მაშინ იგი ვალდებულია გამოცხადდეს **ბანკში** და წერილობით განაცხადოს **Tskapp** აპლიკაციის ბლოკირების მოხსნის შესახებ.
10. **კლიენტი** ვალდებულია:
 - 10.1. არ მისცეს **მესამე პირებს Tskapp** აპლიკაციის გამოყენების შესაძლებლობა;
 - 10.2. არასოდეს არ დაწეროს ან/და სხვაგვარად გახადოს ხელმისაწვდომი წინამდებარე **დანართი 5.5 პუნქტის** შესაბამისად განსაზღვრული **Tskapp** აპლიკაციის წვდომის მონაცემები ისე, რომ **მესამე პირებმა** შეძლონ მათი ან/და **ბარათის** ან/და **სამსახურებრივი ბარათის** მონაცემების მოპოვება;
 - 10.3. ყოველთვის დაიცვას **Tskapp** აპლიკაციით სარგებლობის წესები და უსაფრთხოების ზომები.
11. **Tskapp** აპლიკაციაში **სამსახურებრივი ბარათის** დამატებით **კლიენტი** ადასტურებს, რომ აცნობიერებს და ეთანხმება **სამსახურებრივი ბარათის** პირობებს, რომელიც განთავსებულია **ბანკის** ვებ გვერდზე www.bankofgeorgia.ge.